



ქალაქ ფოთის მუნიციპალიტეტის საკრებულო



განკარგულება № 11/37

2020 წლის 30 ოქტომბერი

ქალაქი ფოთი

ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის საკუთრებაში არსებული 10 (ათი) ერთეული პარკის სკამის საჯარო სამართლის იურიდიული პირის - საქართველოს სამოციქულო ავტოკეფალური მართლმადიდებელი ეკლესიისათვის (საქართველოს საპატრიარქო) თხოვების ფორმით, აუქციონის გარეშე, უსასყიდლო უვადო სარგებლობაში გადაცემასთან დაკავშირებით თანხმობის მიცემის შესახებ

ქალაქ ფოთის მუნიციპალიტეტის მერს, 2020 წლის 02 ივნისის, №11 წერილით მიმართა ფოთისა და ხობის მიტროპოლიტის მდივანმა და ითხოვა საჯარო სამართლის იურიდიული პირის - საქართველოს სამოციქულო ავტოკეფალური მართლმადიდებელი ეკლესიისათვის (შემდგომში ტექსტში - საქართველოს საპატრიარქო) ქალაქ ფოთის მუნიციპალიტეტის საკუთრებაში არსებული, ცენტრალური პარკის რეაბილიტაციის ფარგლებში დემონტირებული 10 (ათი) ერთეული პარკის სკამის თხოვების ფორმით, აუქციონის გარეშე უსასყიდლო სარგებლობაში გადაცემა წმინდა ანდრია პირველწოდებულის ტაძრის ეზოში განსათავსებლად.

ქალაქ ფოთის მუნიციპალიტეტის საკრებულოში წინადადებით შემოვიდა ქალაქ ფოთის მუნიციპალიტეტის მერი, ქალაქ ფოთის მუნიციპალიტეტის საკუთრებაში არსებული 10 (ათი) ერთეული პარკის სკამის საქართველოს საპატრიარქოსთვის თხოვების ფორმით, აუქციონის გარეშე უსასყიდლო უვადო სარგებლობაში გადაცემასთან დაკავშირებით თანხმობის მისაღებად.

„ადგილობრივი თვითმმართველობის კოდექსის“ საქართველოს ორგანული კანონის 122-ე მუხლის მე-6 პუნქტის შესაბამისად, მუნიციპალიტეტის აღმასრულებელი ორგანო უფლებამოსილია მუნიციპალიტეტის ქონება უსასყიდლო აღნაგობის, უსასყიდლო უზუფრუქტისა და თხოვების ფორმებით, აუქციონის გარეშე გადასცეს საჯარო სამართლის იურიდიულ პირს (გარდა პოლიტიკური პარტიისა).

ამასთანავე, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესების 22-ე მუხლის მე-5 პუნქტის შესაბამისად, მუნიციპალიტეტის აღმასრულებელი ორგანო, მუნიციპალიტეტის საკრებულოს თანხმობით, მუნიციპალიტეტის ქონებას უსასყიდლო აღნაგობის, უსასყიდლო უზუფრუქტისა და თხოვების ფორმებით, აუქციონის გარეშე, გადასცემს საჯარო სამართლის იურიდიულ პირებს (გარდა პოლიტიკური პარტიისა).

„საქართველოს საქართველოს სამოციქულო ავტოკეფალურ მართლმადიდებელ ეკლესიას შორის“ კონსტიტუციური შეთანხმების პირველი მუხლის მე-3 პუნქტის, საქართველოს სამოქალაქო კოდექსის 1509-ე მუხლის პირველი ნაწილის „ვ“ ქვეპუნქტის შესაბამისად, საქართველოს სამოციქულო ავტოკეფალური მართლმადიდებელი ეკლესია (საქართველოს საპატრიარქო) არის საჯარო სამართლის იურიდიული პირი.

ამდენად, მიზანშეწონილია ქალაქ ფოთის მუნიციპალიტეტის საკუთრებაში
არსებული, 10 (ათი) ერთეული პარკის სკამის თხოვების ფორმით, აუქციონის გარეშე,
უსასყიდლო უვადო სარგებლობაში გადაეცეს საქართველოს საპატრიარქოს.

აღნიშნულიდან გამომდინარე:

მუხლი 1.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთის მუნიციპალიტეტის
საკუთრებაში არსებული 10 (ათი) ერთეული პარკის სკამის თხოვების ფორმით, აუქციონის
გარეშე, უსასყიდლო უვადო სარგებლობაში გადასცეს საჯარო სამართლის იურიდიულ
პირს - საქართველოს სამოციქულო ავტოკეფალურ მართლმადიდებელ ეკლესიას -
საქართველოს საპატრიარქოს (საიდენტიფიკაციო კოდი - 204395537).

მუხლი 2.

განკარგულება შეიძლება გასაჩივრდეს მისი კანონმდებლობით გათვალისწინებული წესით
გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ
ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2020 წლის 30 ივნისიდან.



ბეჭა ვაჭარაძე